

Zakonom osigurana transparentnost u finansiranju političkih stranaka Brčko Distrikta

Supervizor za Brčko, Susan R. Johnson, je danas izdala Nalog kojim se poništavaju amandmani na članove 5 i 6 Zakona o finansiranju političkih stranaka iz budžeta Brčko Distrikta Bosne i Hercegovine. Supervizor je naložila da Zakon, izuzev poništenih amandmana, bude objavljen u "Službenom glasniku Brčko Distrikta" i implementiran.

Poništeni amandmani na Zakon sadržavali su finansijske implikacije koje nisu predviđene rebalansom budžeta Brčko Distrikta koji je usvojen na istoj sjednici Skupštine, te bi ih stoga bilo nemoguće implementirati.

Osim toga, ovim amandmanima bi se političkim strankama unaprijed stavila sredstva na raspolaganje, čime bi se onemogućila efikasna kontrola i nadzor nad troškovima s ciljem da isti budu u skladu sa odredbama zakona.

Zakonom o finansiranju političkih stranaka Distrikta se sada uspostavlja finansijski održiv i transparentan zakonski osnov koji omogućava političkim strankama da finansiraju legitimne troškove u skladu sa relevantnim zakonima BiH.